

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 138a. stav (1) Zakona o radu („Službene novine Federacije BiH“, broj: 26/16, 89/18 i 44/22), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 102. sjednici, održanoj 24.10.2025. godine, d o n o s i

ODLUKU

o davanju saglasnosti na Kolektivni ugovor o izmjenama Kolektivnog ugovora za djelatnost srednjeg obrazovanja za teritorij Zeničko-dobojskog kantona

Član 1.

(Predmet)

Vlada Zeničko-dobojskog kantona daje saglasnost na Kolektivni ugovor o izmjenama Kolektivnog ugovora za djelatnost srednjeg obrazovanja za teritorij Zeničko-dobojskog kantona koji je prethodno dodatno usaglašen od strane učesnika u postupku pregovaranja o usklađivanju Kolektivnog ugovora o izmjenama za djelatnost srednjeg obrazovanja za teritorij Zeničko-dobojskog kantona i to: Sindikata srednjeg i visokog obrazovanja i odgoja, nauke i kulture Federacije Bosne i Hercegovine, kao reprezentativnog sindikata, odnosno predstavnika radnika i ministra Ministarstva za obrazovanje, nauku, kulturu i sport, kao predstavnika nadležnog ministarstva Vlade Zeničko-dobojskog kantona.

Član 2.

(Ovlaštenje za potpis)

Ovlašćuje se Mirza Mušija, ministar Ministarstva za obrazovanje, nauku, kulturu i sport da u ime Vlade Zeničko-dobojskog kantona potpiše Izmjene Kolektivnog ugovora iz člana 1. ove odluke sa Sindikatom srednjeg i visokog obrazovanja i odgoja, nauke i kulture Federacije Bosne i Hercegovine.

Član 3.

(Stupanje na snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-34-19210/25

Datum, 24.10.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x „Službene novine Zeničko-dobojskog kantona“,

1x a/a.

PRIJEDLOG

Na osnovu člana 137. stav (1), člana 138. stav (3) i člana 138a. stav (1) Zakona o radu („Službene novine Federacije BiH“, broj: 26/15, 89/18, 44/22 i 39/24), Sindikat srednjeg i visokog obrazovanja, odgoja, nauke i kulture ZDK (u daljem tekstu: Sindikat), kao predstavnik radnika, i Vlada Zeničko-dobojskog kantona (u daljem tekstu: Vlada) kao predstavnik poslodavca zaključuju:

Kolektivni ugovor o izmjenama Kolektivnog ugovora za djelatnost srednjeg obrazovanja za teritorij Zeničko-dobojskog kantona

Član 1.

(Izmjena člana 25.)

U Kolektivnom ugovoru za djelatnost srednjeg obrazovanja za teritorij Zeničko-dobojskog kantona („Službene novine Zeničko-dobojskog kantona“ broj: 21/24) u članu 25. broj „20%“ zamjenjuje se brojem „24%“.

Član 2.

(Izmjena člana 32.)

U članu 32. stav (3) mjenja se i glasi:

„(3) Radniku koji ima razredništvo pripada uvećanje osnovne plaće u iznosu od 90 KM.“

Član 3.

(Usklađivanje općeg akta)

Srednje škole dužne su uskladiti pravilnike o radu i druge opće akte s ovim Kolektivnim ugovorom u roku od 60 dana od dana njegovog stupanja na snagu.

Član 4.

(Stupanje na snagu)

Ovaj Kolektivni ugovor stupa na snagu danom potpisivanja od strane ovlaštenih predstavnika, a primjenjuje se od 01.11.2025. godine i objavit će se u „Službenim novinama Zeničko-dobojskog kantona“.

Za

Za

SINDIKAT SREDNJEG I VISOKOG
OBRAZOVANJA I ODGOJA, NAUKE
I KULTURE

ZENIČKO-DOBOJSKOG KANTONA

VLADA ZENIČKO-DOBOJSKOG KANTONA

Po ovlaštenju Vlade Zeničko-dobojskog kantona

P R E D S J E D N I K

M I N I S T A R

Devad Hadžić

Mirza Mušija

Broj: _____
Zenica, _____

Broj: _____
Zenica, _____